

ՊԱՇՏՈՆԱԹՈՂՈՒԹՅՈՒՆ

«ԵՍ ԱՆՇԵՂ ԾԱՌԱՅԵԼ ԵՄ ՄԵՐ
ԵՐԿՐԻՆ, ՀՊԱՐՏ ԵՄ ՁԵՌՔ
ԲԵՐԱԾ ԱՐԴՅՈՒՆՔՆԵՐՈՎ»



Հունվարի 29-ին, Վրաստանի վարչապետ Իրակլի Դարիբաշվիլին՝ հատուկ հրավիրված ճեպատուխում, հայտարարեց իր պաշտոնաթողության մասին:

- Ցանկանում եմ հանրությանը տեղեկացնել այն որոշման մասին, որը մենք քննարկել ենք թիմի հետ: Այսօր ես լքում եմ վարչապետի պաշտոնը: Թույլ տվեք պարզաբանել այս որոշման պատճառները: Բոլորովին վերջերս, անցած տարեվերջին, հանրությանը ներկայացրի ծավալուն զեկույց՝ իմ երեք տարվա աշխատանքի մասին: Ինչպես գիտեք, ես երկրորդ ժամկետով կառավարության ղեկավարի պաշտոնում սկսեցի աշխատել ամենածանր շրջանում՝ ներքաղաքական, տնտեսական, սոցիալական ճգնաժամերի պայմաններում: Ես անշեղ ծառայել եմ մեր երկրին, անգիջում պաշտպանել եմ մեր երկրի ու ժողովրդի շահերը, հպարտ եմ այն արդյունքներով, որոնք մենք ձեռք ենք բերել այս ընթացքում թիմի հետ միասին,- ասաց Իրակլի Դարիբաշվիլին:

- Մեր քաղաքական թիմի հզորության հիմնական գործոններից մեկը ներքին ժողովրդավարությունն է, որի ամենականառու դրսևորումը ռոտացիայի սկզբունքն է: Թիմում շատ հաջողակ ղեկավարներ կան եւ պետք է հնարավորություն տալ ուրիշներին, հատկապես հիմա, երբ մեր մարտահրավերներ են սպասվում: Մենք աշնանը կընտրենք մեր խորհրդարան, «Վրացական երազանքը» պետք է պատրաստվի համոզիչ հաղթանակ տանելու համար, որպեսզի շարունակի առաջ շարժվել՝ հասնելու այլ, ավելի մեծ նպատակների,- հայտարարեց Իրակլի Դարիբաշվիլին, նշելով, որ իր համար մեծ պատիվ ու պատասխանատվություն է շարունակել:

(Շարունակությունը՝ 2-րդ էջում)

ԱՐՏԱՅԵՐԹ ՉԱՄԱԳՈՒՄԱՐ

ԻՐԱԿԼԻ ԴԱՐԻԲԱՇՎԻԼԻՆ ԸՆՏՐՎԵՅ «ՎՐԱՅԱԿԱՆ ԵՐԱԶԱՆՔ»
ԿՈՒՄԱԿՈՒԹՅԱՆ ՆԱԽԱԳԱՀ, ԻՍԿ ԻՐԱԿԼԻ ԿՈԲԱԽԻՁԵՆ
ԱՌԱՋԱՊՐՎԵՅ ՎՐԱՍՏԱՆԻ ՎԱՐՉԱՊԵՏԻ ԹԵԿՆԱԾՈՒ

Փետրվարի 1-ին, Թբիլիսիում, Ազատության հրապարակի «Պուշկինի պուրակ» հարեանությամբ, «Պարագրաֆ» հյուրանոցում անցկացվեց «Վրացական երազանք-ժողովրդավարական Վրաստան» կառավարող կուսակցության արտահերթ՝ 8-րդ համագումարը, որի օրակարգում կուսակցության մեր նախագահի ընտրության եւ երկրի վարչապետի թեկնածության առաջադրման հարցն էր:

Վրաստանի կառավարող «Վրացական երազանք» կուսակցության ութերորդ համագումարում Իրակլի Դարիբաշվիլին միաձայն ընտրվեց կուսակցության նախագահ:

«Վրացական երազանքի» նորընտիր նախագահ Իրակլի Դարիբաշվիլին իր ելույթում ասաց, որ կուսակցությունը վարչապետի պաշտոնի համար առաջադրում է Իրակլի Կոբախիձեի թեկնածությունը: Համագումարում անցկացվեց նաեւ խորհրդանշական քվեարկություն:

Նշենք, որ ղեկսեմբերի 30-ին, երբ կուսակցության հիմնադիր Բիծինա Իվանիշվիլին երրորդ անգամ վերադարձավ քաղաքականություն, փոփոխություններ կատարվեցին «Վրացական երազանք» կուսակցության կանոնադրության մեջ: Նա ընտրվեց կուսակցության պատվավոր նախագահի պաշտոնում, եւ հենց նրան,



ըստ կուսակցության մեր կանոնադրության, տրվեց թեկնածու առաջադրելու իրավունք:

Ավելացնենք նաեւ, որ այդ օրը, նախքան կուսակցության համագումարի սկիզբը, անցկացվեց «Վրացական երազանքի» քաղխորհրդի նիստ, որի ընթացքում քննարկվեց նշված հարցը:

ՈՐՈՇՔ ԵՆ ՎԱՐՉԱՊԵՏԻ ՀՐԱԺԱՐԱԿԱՆԻՆ ՀԱՋՈՐԴՈՂ ՆՈՐ
ԿԱՌԱՎԱՐՈՒԹՅԱՆ ՀԱՍՏԱՏՄԱՆՆ ԱՆՀՐԱԺԵՇՏ ԸՆԹԱՑԱԿԱՐԳԵՐԸ



Ինչպես արդեն հաղորդել ենք, հունվարի 29-ին Վրաստանի վարչապետ Իրակլի Դարիբաշվիլին հայտարարեց իր պաշտոնաթողության մասին: Վրաստանում գործող օրենսդրության համաձայն, Վրաստանի խորհրդարանը, վարչապետի լիազորությունների դադարեցմանը հաջորդող երկու շաբաթվա ընթացքում պետք է իր վստահությունը հայտնի մեր վարչապետին եւ կառավարության կազմին:

Մասնավորապես, խորհրդարանի կանոնակարգի համաձայն, Վրաստանի կառավարության լիազորությունների վերաբերյալ վերաբերյալ վարչապետի հրաժարականին կամ լիազորությունների դադարեցմանը հաջորդող երկշաբաթյա ժամկետում, խորհրդարանը վս-

տահություն է հայտնում խորհրդարանական ընտրություններում լավագույն արդյունքներ գրանցած քաղաքական կուսակցության կողմից առաջադրված վարչապետի թեկնածուին:

Վրաստանի կառավարության կազմի հետ միասին վարչապետի թեկնածուն կառավարության ծրագիրը ներկայացնում է խորհրդարան:

Խորհրդարանի բոլոր կոմիտեները, խմբակցությունները քննարկում են Վրաստանի կառավարության կա-

ռավարման ծրագիրը եւ Վրաստանի կառավարության կազմին վստահություն հայտնելու հարցը եւ համապատասխան եզրակացությունները ներկայացնում խորհրդարանի բյուրոյին:

Կանոնակարգի համաձայն, տվյալ կետով նախատեսված հարցը քննարկելու նպատակով, թույլատրվում է մեկ օրում անցկացնել ընդամենը երկու նիստ: Հանձնաժողովի եզրակացությունն ընդունվում է՝ նիստին ներկա

(Շարունակությունը՝ 2-րդ էջում)

ՀԱՅԱՍՏԱՆ

ՀԱՅԿԱԿԱՆ ԲԱՆԱԿԸ ՆՇԵՅ ԿԱԶՄԱՎՈՐՄԱՆ 32-ՐԴ ՏԱՐԵՂԱՐՁԸ

Հայաստանն ու աշխարհասփյուռ հայությունը, հունվարի 28-ին, նշեց Հայաստանի զինված ուժերի կազմավորման 32-րդ տարեդարձը:

Բանակի օրվա առիթով Հայաստանի վարչապետ Նիկոլ Փաշինյանը, երկրի նախագահ Վահագն Խաչատուրյանի, Ազգային ժողովի նախագահ Ալեն Սիմոնյանի եւ երկրի բարձրագույն ղեկավարության հետ, այցելեց «Եռաբլուր», զինվորական պանթեոն, հարգանքի տուրք մատուցեց իրենց կյանքը հայրենիքի անկախության համար զոհաբերած հայորդիների հիշատակին:

Վարչապետը ծաղիկներ խոնարհեց Սպարապետ Վազգեն Սարգսյանի, Անդրանիկ Օզան-



յանի շիրիմներին եւ ծաղկեպսակ դրեց զոհված ազատամարտիկների հիշատակը հավերժացնող հուշահամալիրին:

ՀԱՅԱՍՏԱՆԻ ԵՎ ՎՐԱՍՏԱՆԻ ՄԻՋԵՎ
ՈՒՑՄԱՎԱՐԱԿԱՆ ԳՈՐԾԸՆԿԵՐՈՒԹՅԱՆ ՓԱՍՏԱԹՈՒՂԸ
ՔԱՂԱՔԱԿԱՆ ԱՌՈՒՄՈՎ ԱՆՉԱՓ ԿԱՐԵՎՈՐ Է

Հայ-վրացական հարաբերություններում մեկնարկում է մեր փուլ, երբ վերանայման են ենթարկվում նախկին փոխգործակցությունն ու օրակարգը եւ արդեն խոսվում է մեր նախագծերի (նախեսառաջ՝ տնտեսական), միջպետական եւ տարածաշրջանային մեր ծրագրերի իրականացման մասին, որոնք պետք է նպաստեն հարաբերությունների խորացմանը՝ տալով լուրջ արդյունքներ:

«Վրաստան» թերթի հետ զրույցում նման կարծիք հայտնեց հայտնի վրացագետ, Երեւանի Օրբելի վերլուծական կենտրոնի ավագ փորձագետ, ծնունդով թբիլիսցի Ջոնի Մելիքյանը՝ անդրադառնա-

լով Հայաստանի վարչապետ Նիկոլ Փաշինյանի՝ Վրաստան կատարած այցին եւ երկու կողմերի միջեւ կնքված ռազմավարական համաձայնագրին:

(Շարունակությունը՝ 7-րդ էջում)

ԱՐՏԱՅԵՐԹ ՀԱՄԱԳՈՒՄԱՐ

ԻՐԱԿԻ ՂԱՐԻՔԱՇՎԻԼԻՆ ԸՆՏՐՎԵՅ «ՎՐԱՅԱԿԱՆ ԵՐԱԶԱՆՔ» ԿՈՒՍԱԿՅՈՒԹՅԱՆ ՆԱԽԱԳԱՀ, ԻՍԿ ԻՐԱԿԻ ԿՈՐԱՄԻՏԵՆ ԱՌԱՋԱԴՐՎԵՅ ՎՐԱՄՏԱՆԻ ՎԱՐՉԱՊԵՏԻ ԹԵԿՆԱԾՈՒ

(Սկիզբը՝ 1-ին էջում)

Շնորհակալություն հայտնելով իրեն ցուցաբերած վստահության համար՝ նոր վարչապետի թեկնածու Իրակլի Կոբախիձեն համագումարում հայտարարեց, որ կառավարության կազմում միակ փոփոխությունն այն է լինելու, որ պաշտպանության նախարար Ջուանդեր Բուրճուլաձեն կփոխարինի Իրակլի Չիքովանուն:

- Ինչ վերաբերում է կառավարությանը, ապա գիտեք, որ անցած երեք տարիները բացառիկ հաջող էին մեր երկրի համար, մեզ հաջողվեց պահպանել խաղաղ, կայուն միջավայր, կարողացանք կրկնապատկել անվանական տնտեսությունը, դրանք այն հաջողություններն էին, որոնք, առաջին հերթին, կապված են կառավարության գործունեության հետ: Առաջին հերթին վարչապետ Իրակլի Ղարիբաշվիլու գործունեությամբ, եւ, իհարկե,



կառավարության յուրաքանչյուր անդամ այս հաջողությանը կնպաստի: Նախ, սա հաշվի առնելով, երբ թիմում զրույց ունեցանք կառավարության ձեռնարկման հետ կապված, ու-

զում են ընդգծել, որ կառավարության յուրաքանչյուր անդամի առաջարկել են մնալ: Միակ Պաշտպանության նախարար Ջուանդեր Բուրճուլաձեն ասաց, որ ցանկանում է քաղա-

քականությունից տեղափոխվել այլ դաշտ: Ես հարգում եմ նրա դիրքորոշումը, հետեւաբար, միակ փոփոխությունը կկատարվի Վրաստանի կառավարությունում, պաշտպանության նախարարի պաշտոնում կառաջադրվի Իրակլի Չիքովանին: Սա այն կազմն է, որը հաջորդ շաբաթ պաշտոնապես կներկայացվի խորհրդարանականներին, - ասաց Իրակլի Կոբախիձեն:

«Վրացական երազանք-ժողովրդավարական Վրաստան» կուսակցության արտահերթ՝ 8-րդ համագումարի աշխատանքին, պատվիրակների մանդատով մասնակիցներ թվում էին Ախալքալաքից եւ Նինոծմինդայից Սամվել Մանուկյանը, Սմբատ Կյուրեղյանը, Մելքոն Մակարյանը, Անի Մոսոյանը, Նաիրի Իրիցյանը, Վահան Արոյանը, Նանա Աղդզումելաձեն, Նվարդ Ղուկասյանը:

ՊԱՇՏՊԱՆՈՒԹՅՈՒՆ

«ԵՍ ԱՆՇԵՂ ԾԱՌԱՅԵԼ ԵՄ ՄԵՐ ԵՐԿՐԻՆ, ՀՊԱՐՏ ԵՄ ՁԵՌՔ ԲԵՐԱԾ ԱՐԴՅՈՒՆՔՆԵՐՈՎ»

(Սկիզբը՝ 1-ին էջում)

կել աշխատանքը կուսակցությունում, ակտիվ մասնակցել ընտրական գործընթացներին եւ առհասարակ, Վրաստանի զարգացմանը:

Ելույթի ավարտին՝ Իրակլի Ղարիբաշվիլին շնորհակալություն հայտնեց կուսակցության հիմնադիր եւ պատվավոր նախագահ Բիծինա Իվանիշվիլուն, կուսակցության եւ խորհրդարանի ղեկավարությանն ու անդամներին, նախարարու-

թյունների ղեկավարներին եւ յուրաքանչյուր աշխատակցի, կառավարության աշխատակազմի գործընկերներին, բոլոր քաղաքացիական ծառայողներին՝ վարչապետ աշխատելու ընթացքում ցուցաբերած մեծ աջակցության համար:

Նա առանձնակի շնորհակալություն հայտնեց իր կնոջը, երեխաներին եւ ծնողներին՝ աջակցության համար եւ հույս հայտնեց, որ այսուհետ հնարավորություն կունենա ավելի շատ ժամանակ հատկացնել ընտանիքի անդամներին:

Հիշեցնենք, որ Իրակլի Ղարիբաշվիլին վարչապետի պաշտոնն առաջին անգամ զբաղեցրել է 2013-2015 թվականներին Բիծինա Իվանիշվիլու հրաժարականից հետո: 2015 թվականի դեկտեմբերի 30-ին նա հրաժարական տվեց եւ 2019 թվականին վերադարձավ կառավարություն՝ որպես պաշտպանության նախարար: Երկու տարի անց՝ 2021 թվականի փետրվարին, Վրաստանի խորհրդարանը նրան հաստատեց վարչապետի պաշտոնում:

ՈՐՈՇՔ ԵՆ ՎԱՐՉԱՊԵՏԻ ՀՐԱԺԱՐԱԿԱՆԻՆ ՀԱՋՈՐԴՈՂ ՆՈՐ ԿԱՌԱՎԱՐՈՒԹՅԱՆ ՀԱՍՏԱՏՄԱՆՆ ԱՆՀՐԱԺԵՇՏ ԸՆԹԱՑԱԿԱՐԳԵՐԸ

(Սկիզբը՝ 1-ին էջում)

հանձնաժողովի անդամների ծայների մեծամասնությամբ:

Խորհրդարանի կոմիտեների եւ խմբակցությունների եզրակացությունների հիման վրա, խորհրդարանի բյուրոն, խորհրդարանի լիազումար միստի օրակարգում, ներառում է Վրաստանի կառավարության կազմին վստահություն հայտնելու հարցը եւ կառավարության ծրագիրը:

Խորհրդարանը լիազումար միստում քննարկում եւ քվեարկում է Վրաստանի կառավարության կազմին վստահություն հայտնելու հարցը՝ օրենքի նախագիծն առաջին ընթերցմամբ

քննարկելու կանոնակարգով սահմանված կարգով:

Կանոնակարգի համաձայն, խորհրդարանի վստահությունը ստանալու համար, անհրաժեշտ է դառնում խորհրդարանի ամբողջական կազմի մեծամասնության աջակցությունը:

Եթե Վրաստանի կառավարությունը չի ստանում վստահություն Վրաստանի Սահմանադրության 56-րդ հոդվածի 2-րդ կետով սահմանված ժամկետում, ապա, այդ ժամկետը լրանալուն հաջորդող 2 շաբաթվա ընթացքում, խորհրդարանը, իր լիիրավ անդամների մեծամասնությամբ, վերոնշյալ հոդվածով սահմանված կարգով, իր վստահությունն է հայտնում վարչապետի թեկնածուին:

ՎԻՃԱԿԱԳՐՈՒԹՅՈՒՆ

ՎՐԱՄՏԱՆԻ ԿԱՌԱՎԱՐՈՒԹՅԱՆ ՏՆՏԵՍԱԿԱՆ ԿԱՆԽԱՏԵՍՈՒՄՆԵՐՆ ԱՌԱՎԵԼ ԼԱՎԱՏԵՍԱԿԱՆ ԵՆ



Վրաստանի Ազգային վիճակագրական ծառայության նախնական գնահատականներով, 2023 թվականի դեկտեմբերին, նախորդ տարվա համապատասխան ժամանակահատվածի համեմատ, իրական համախառն ներքին արդյունքի աճը կազմել է 8,3 տոկոս, իսկ 2023 թվականի միջին իրական աճը սահմանվել է 7,0 տոկոս:

Ըստ Ազգային վիճակագրական ծառայության՝ 2023 թվականի դեկտեմբերին, նախորդ տարվա համապատասխան ժամանակահատվածի համեմատ, իրական համախառն ներքին արդյունքի (ՀՆԱ) աճը կազմել է 8,3 տոկոս, իսկ 2023 թվականի միջին իրական տնտեսական աճը սահմանվել է 7 տոկոս:

Վրաստանի Ազգային վիճակագրական ծառայության փոխանցմամբ՝ 2023 թվականի դեկտեմբերին աճին զգալի ներդրում են ունեցել շինարարության, վերամշակող արդյունաբերության, ֆինանսական եւ ապահովագրական գործունեության, տեղեկատվության եւ կապի ոլորտները:

Նվազման միտում է նկատվել էներգետիկայի եւ անշարժ գույքի ոլորտներում:

Համաշխարհային բանկը թարմացրել է համաշխարհային տնտեսական աճի ակնկալիքները, ըստ որի՝ տարածաշրջանում ամենաբարձր տնտեսական աճը՝ 4,8 տոկոս, Վրաստանում է սպասվում:

Հատկանշական է, որ Վրաստանի կառավարությունը 2024 թվականին երկրում ակնկալում է 5,2 տոկոս տնտեսական աճ, հետեւաբար այս ցուցանիշով նախատեսված է նաեւ ընթացիկ տարվա բյուջեն: Այսինքն՝ Վրաստանի կառավարության կանխատեսումն առավել լավատեսական է Համաշխարհային բանկի սպասելիքից:



ՌՈՒՍԱՍՏԱՆ

ՊՈՒՏԻՆԸ ՆԱԽԸՆՏՐԱԿԱՆ ԲԱՆԱՎԵՃԵՐԻՆ ԶԻ ՄԱՍՆԱԿՑԻ

Ռուսաստանի Դաշնության նախագահ, նախագահության թեկնածու Վլադիմիր Պուտինը չի մասնակցի նախընտրական բանավեճերին: Այդ մասին հայտարարեց պետության ղեկավարի մամուլի քարտուղար Դմիտրի Պեսկովը:

Պուտինը 2000 թվականից է դեկավարում երկիրը եւ հինգերորդ անգամ է առաջադրվում նախագահի թեկնածու:

ՌԻԿՐԱԻՆԱ

ԻՐԱՎԱՆԱՑՎԵՑ ՈԱԶՄԱԳԵՐԻՆԵՐԻ ՓՈԽԱՆԱԿՈՒՄ

Ռուսաստանն ու Ուկրաինան հերթական անգամ փոխանակել են ռազմագերիներին: Ըստ Ուկրաինայի նախագահի՝ իրենք վերադարձրել են 207 գերի:

Մյուս կողմից՝ Ռուսաստանի ՊՆ-ն հայտնում է ազատ արձակված 195 զինծառայողի մասին եւ պնդում, որ Ուկրաինային է փոխանցվել եւս 195 գերի:

Նշենք, որ, Բելգորոդի մոտ ռուսական ԻՂ-76 ռազմատրանսպորտային ինքնաթիռի կործանումից հետո, սա առաջին դեպքն է, երբ Ուկրաինան եւ Ռուսաստանը գերիների փոխանակում են կատարում: Ռուսական կողմը պնդում է, որ արդյունքում մահացել է 65 ուկրաինացի գերի, որոնց ծրագրվում էր փոխանակել:

50 ՄԻԼԻԱՐԴ ԵՎՐՈՅԻ ՖԻՆԱՆՍԱԿԱՆ ՕԳՆՈՒԹՅՈՒՆ՝ ՌԻԿՐԱԻՆԱՅԻՆ

Եվրամիությունը հավանություն է տվել Ուկրաինային 50 միլիարդ եվրոյի ֆինանսական օգնության հատկացմանը: Այս մասին հայտարարել է Եվրամիության խորհրդի նախագահ Շարլ Միշելը:

Նրա խոսքով՝ Եվրամիության 27 անդամ երկրներ աջակցել են Կիևի համար լրացուցիչ ֆինանսավորման հատկացմանը:

Մինչ այդ հայտնի էր, որ Հունգարիայի վարչապետը դեմ է արտահայտվել Ուկրաինային 50 միլիարդ եվրո հատկացնելուն:

ԻՍՐԱՅԵԼ - ՀԱՄԱՆ

ԳԱԶԱՅԻ ՀԱՏՎԱԾՈՒՄ

ՇԱՐՈՒՆԱԿՎՈՒՄ ԵՆ ՈԱԶՄԱԿԱՆ ԳՈՐԾՈՂՈՒԹՅՈՒՆՆԵՐԸ

Իսրայելի եւ ՀԱՄԱՍ-ի միջեւ զինված հակամարտության սկսվելուց ի վեր, Գազայում զոհերի թիվը հասել է 26 հազար 637-ի, վիրավորների թիվը 65 հազար 387 է: Միաժամանակ, Իսրայելի պաշտպանության բանակը հայտարարել է, որ Գազայի հատվածում ռազմական գործողությունները շարունակվում են:

ՊԱԿԻՍՏԱՆ

10 ՏԱՐՎԱ ԱԶԱՏԱԶՐԿՈՒՄ ԵՐԿՐԻ ՆԱԽԿԻՆ ՎԱՐՉԱՊԵՏԻՆ

Պակիստանի նախկին վարչապետ Իմրան Խանը եւ նրա տեղակալներից մեկը դատապարտվել են յուրաքանչյուրը 10 տարվա ազատազրկման: Դատարանը նրանց մեղավոր է ճանաչել պետական գաղտնիքներ բացահայտելու մեջ:

Խանը, որին 2022թ. ապրիլին անվստահություն էին հայտնել եւ հեռացրել իշխանությունից, այժմ բանտում է. նա 3 տարով ազատազրկման է դատապարտված կոռուպցիայի գործով:

Նշենք, որ Պակիստանի դատարանը երկրի նախկին վարչապետ, ընդդիմադիր «Արդարության շարժում» կուսակցության առաջնորդ Իմրան Խանին եւ նրա կնոջը՝ Բուշրա Բիբին, վերոնշյալ 10 տարվա ազատազրկումից բացի, դատապարտել է 14 տարվա ազատազրկման՝ կոռուպցիայի եւ օտարերկրյա նվերների վաճառքի գործով:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՄՊԱՌՈՂԱԿԱՆ ԶԱՄԲՅՈՒՂ

ՈՐ ԱՊՐԱՆՔՆԵՐՆ ԵՆ ԹԱՆԿԱՑԵԼ, ԵՎ ՈՐՈ՞ՆՔ՝ ԷԺԱՆԱՑԵԼ...

Վրաստանում Ազգային վիճակագրական ծառայության տվյալներով, անցած 2023 թվականը Վրաստանում նշանավորվեց քիչ արժեզրկմամբ, որի արդյունքում սննդամթերքի գներն աննշան աճեցին, իսկ առանձին ապրանքներ նույնիսկ էժանացան:

Ըստ Վրաստանի Ազգային բանկի պարզաբանման, ցածր արժեզրկմամբ է պայմանավորված ինչպես արտաքին, այնպես էլ՝ ներքին շուկայում գների նվազեցումը: Վրաստանում տարեկան արժեզրկումը (2022 թվականի դեկտեմբեր-2023 թվականի դեկտեմբեր) կազմել է ընդհա-

նուր առմամբ 3 տոկոս: Տարվա ընթացքում բոլորից շատ էժանացել է հնդկաձավարը (42,1 տոկոս), կարտոֆիլը (34,5 տոկոս), արեւածաղկի ձեթը (29,4 տոկոս): Նվազեցում է վալերիացվել նաեւ կանաչ լոբու (11 տոկոս), մարգարիին (16,9 տոկոս), բրնձի (10,4

տոկոս), հացի (8,35 տոկոս), սառեցված հավի մսի (8,31 տոկոս) գներում:

2023 թվականի ընթացքում ամենաշատը թանկացել են մրգերը: Օրինակ, դեղձը թանկացել է 47,7 տոկոսով, սալորը՝ 34,7 տոկոսով, խաղողը՝ 354,1 տոկոսով, տանձը՝ 26,6 տոկոսով: Բացի այդ, թանկացել է տավարի միսը (13,9 տոկոս), բադրիջանը (19 տոկոս), գործարանային կաթը (5 տոկոս), ձուն (2,9 տոկոս): Երշիկեղենը միջին հաշվով թանկացել է 2,5 տոկոսով:



ԶԲՈՍԱՇՐՋԻԿՆԵՐԻ ԹՎՈՎ ՎՐԱՍՏԱՆՈՒՄ ԵՐՐՈՐԴԸ ՀԱՅԱՍՏԱՆՑԻՆԵՐՆ ԵՆ

Վրաստանի Ազգային վիճակագրական ծառայության տվյալներով՝ 2023 թվականին Վրաստան այցելուների ամենամեծ թիվը՝ 1,2 միլիոն, գրանցվել է Ռուսաստանից, ինչը կազմում է այցելուների ընդհանուր թվի 23,2 տոկոսը: Երկրորդ տեղում թուրքիան է՝ 21,4 տոկոս, երրորդում՝ Հայաստանը՝ 13,5 տոկոս:

2023 թվականին Վրաստանի տարածք է մուտք գործել 7,1 մլն միջազգային ոչ ռեզիդենտ ճանապարհորդ (1,42 միլիոնը՝ Ռուսաստանից, 1,4 միլիոնը՝ Թուրքիայից, 926,5 հազարը՝ Հայաստանից), ինչը 30,3 տոկոսով ավելի է նախորդ տարվա համեմատ:

ՏԱՐԱԴՐԱՄԻ ՓՈԽԱՆԱԿԱՆ ԿՈՒՐՍԸ (2 փետրվարի)

Ազգային բանկի կողմից սահմանվել է տարադրամի հետեւյալ կուրսը.

Տարադրամ	Լարի
1 ԱՄՆ ԴՈԼԱՐ	2.6771
1 ԵՎՐՈ	2.8902
100 ՌՈՒՔԼԻ	2.9650
1000 ԴՐԱՄ	6.6388

ՀՐԱՏԱՊ

ՎԱՂԱԺԱՍ ԱՄՈՒՄՆՈՒԹՅԱՆ ՀԻՄՆԱԽՆԴՐԻ ՔՆՆԱՐԿՈՒՄԸ՝ ԺՈՂՈՎՐԴԱԿԱՆ ՊԱՇՏՊԱՆԻ ՄԱՍՆԱԿՑՈՒԹՅԱՄԲ

Հունվարի 29-ին, Վրաստանի պետական ժողովրդական պաշտպան Լեւան Իոսելիանին մասնակցեց ժողովրդական պաշտպանին առընթեր ազգային փոքրամասնությունների խորհրդի հանդիպմանը, որտեղ քննարկվեցին վաղաժամ ամուսնության հետ կապված մարտահրավերների կարգավորման հարցերը:

Հանդիպմանը խոսվեց վաղաժամ ամուսնության արգելման ուղղությամբ գործող օրենսդրության եւ գործնականում դրա կիրարկման կարգավորումների, վերոնշյալ հիմնախնդրի պատմական եւ մշակութային տեսակետների մասին: Անդրադարձ կատարվեց այդ առումով, Քվեմո Քարբելի, Սամցխե-Ջավախեթի եւ Կախեթի տարածաշրջաններում ստեղծված իրավիճակի, վաղաժամ ամուսնության կանխման նպատակով պետության կողմից իրականացված քաղաքականությանը:

Հանդիպմանը ներկա էին նաեւ Վրաստանի խորհրդարանի գեղդերային իրավահավասարության խորհրդի նախագահ Նի-

նո Ծիլոսանին, հաշտեցման եւ քաղաքացիական իրավահավասարության հարցերով պետնախարարի տեղակալ Լիա Գիգաուրին, «Վրաստան» թերթի գլխավոր խմբագիր Վան Բայբուրջանը, երկրում գործող ոչ կառավարական կազմակերպությունների ներկայացուցիչներ:



ՏԱՐԱԾԱՆԵՐԱՆ

ԱՄԱՔԱՆԱԹԻ. 1 575 000 ԼԱՐԻ՝ ՍՈՑԻԱԼԱԿԱՆ ԵՎ ԱՌՈՂՑԱՊԱՀՈՒԹՅԱՆ ՈԼՈՐՏՆԵՐՈՒՄ ԻՐԱԿԱՆԱՎՈՂ ԾՐԱԳՐԵՐԻ ՀԱՄԱՐ



Նախաձեռնված, 2024 թվականին իրականացնելու է 27 տեսակի ենթաօրագրեր, որոնց համար տեղական բյուջեով նախատեսված է 1 575 000 լարի: Դրանցից քաղաքացիները կարող են օգտվել 10 առողջապահական ենթաօրագրերից եւ սոցիալական աջակցության 17 տեսակներից:

Մասնավորապես, ըստ շահառուների կատեգորիաների, քաղաքացիներին կիրականացնի բնակչության պաշտպան եւ անհետաձգելի վիրաբուժական ծառայությունների ֆինանսավորում, ուռուցքաբանական հիվանդություններով շահառուների բուժման ֆինանսավորում, բնակչության դեղամիջոցներով բուժման ֆինանսավորում, բուժման ֆինանսավորում, քրոնիկ հիվանդություններ ունեցող մարդկանց բուժօգնության ֆինանսավորում, ինչպես նաեւ հատուկ կարիքներով երեխաների վերականգնողական ծրագիր, նորածիններով ընտանիքների սոցիալական աջակցություն, սոցիալապես անապահով ընտանիքների միանվագ օգնություն, բազմազավակ ընտանիքների միանվագ սոցիալական աջակցություն եւ այլն:

ԽԱՉԻ ՕՐԶՆՈՒԹՅԱՆ ԿԱՐԳ՝ ԽԱՆՂՈ ՓՅՈՒՂՈՒՄ

Հունվարի 30-ին, Ախալքալաքի մունիցիպալիտետի խանդո գյուղում, հանդիսավորությամբ, կատարվել է խաչի օրհնության կարգ: Օրհնության կարգը կատարել է Արագվայի հովվության հոգեւոր հովիվ՝ Տեր Թադեոս քահանա Տեր-Մկրտչյանը:

Խաչի օրհնության կարգին ներկա էր Ախալքալաքի մունիցիպալիտետի քաղաքապետ Մելքոն Մալարյանը:

Միջոցառմանը խոսքով հանդես եկան գյուղապետ



Աշոտ Սահարյանը, Ախալքալաքի սակրեբուլոյի պատգամավոր Համլետ Մովսիսյանը:

Խաչի օրհնության կարգի ավարտին, պարային տարբեր համարներով, հանդես եկավ խանդոյի պարի համույթը: Իսկ երեկոյան անցկացվեց մատաղի արարողություն եւ ճաշկերույթ:

ՆԻՆՈՇՄԻՆՂԱ ՓՅՈՒՂԵՐԻ ԲՆԱԿԻՅՆԵՐԸ ՍԱՀՄԱՆՈՒՄ ԵՆ ԱՌԱՋՆԱԶԵՐԹՈՒԹՅՈՒՆՆԵՐԸ

Նինոծմինդայի մունիցիպալիտետի գյուղերում շա-



րունակվում են խորհրդակցական հանդիպումները՝ «Գյուղի աջակցություն» ծրագրի շրջանակներում:

Այս անգամ տեղական ինքնակառավարման մարմինների ներկայացուցիչները հանդիպումներ ունեցան Հեշտիա, Թորիա, Ուչմանա, Ղաուրմա, Մամծվարա, Դիլիթի, Մեծ եւ Փոքր Գոնդուրա, Ղուլախիս, Ջիգրաշեն. Փոքր Խորենիա, Մեծ Խանչալի, Փոքր Խանչալի եւ Կաթնատու գյուղերի բնակիչների հետ:

Քաղաքացիները հանդիպումների ժամանակ՝ որպես առաջնահերթություններ են նշել խմելու ջրի համակարգի կառուցում-վերականգնումը, մանկական խաղահրապարակի կառուցումը, գյուղամիջյան ճանապարհների վերանորոգումը, ոռոգման համակարգի կառուցումը, հանդիսությունների տան ջեռուցման համակարգի անցկացումը եւ այլն:

ԱՄԱՆՃԻՄԵ. ՀԱՆԴԻՊՈՒՄ՝ «ՓՅՈՒՂԻ ԱՋԱԿՅՈՒԹՅԱՆ ԾՐԱԳՐԻ» ԵՐԱՆԱԿՆԵՐՈՒՄ

«Գյուղի աջակցության ծրագրի» շրջանակներում աշխատանքային հանդիպումներ մեկնարկվեցին նաեւ Ախալքալաքի մունիցիպալիտետի գյուղերում:

2024 թվականին, վերոնշյալ ծրագրի շրջանակներում, Ախալքալաքի մունիցիպալիտետը Վրաստանի տարածաշրջաններում իրականացվելիք նախագծերի հիմնադրամից ստանալու է 612 հազար լարի, եւ այդ գումարը բաշխվելու է մունիցիպալիտետի կազմի բոլոր գյուղերում ենթակառուցային փոքր նախագծերի իրականացման համար: Ընդ որում՝ 612 հազար լարին, ըստ գյուղերի, բաշխվելու է՝ ելնելով բնակչության թվաքանականից:

Ծրագրի շրջանակներում՝ առաջին աշխատանքային հանդիպումը տեղի ունեցավ Ածղուրի վարչական միավորումում ընդգրկված գյուղերի բնակիչների հետ:

Հանդիպմանը մասնակից Ախալքալաքի մունիցիպալիտետի փոխքաղաքապետ Վաժա Գալեջիլաձեն, սակրեբուլոյի փոխնախագահ Սաբա Կրիլաշվիլին, տեղական ինքնակառավարման եւ սակրեբուլոյի պատգամավորների հետ գրանցեցին բնակչության հիմնական առաջնահերթությունները: Մասնավորապես, ընդգծվեց խմելու եւ ոռոգման համակարգերի, ջրատարների կարգավորման, պուրակների, մարգահրապարակների եւ մանկական ժամանցի խաղահրապարակների կառուցման, ներքին ճանապարհների վերանորոգման անհրաժեշտությունը:

Պատրաստեց ԱՐԵՎԻԿԱ ՄԱՆՈՒԿՅԱՆԸ

ՖԻՆԱՆՍՆԵՐ

ՆՎԱԶԵՅՎՈՒՄ ԵՆ ԼԱՐԻՈՎ ՎԵՐՅՎԱԾ ՀԻՓՈԹԵՔԱՅԻՆ, ԱՎՏՈՄԵՔԵՆԱՅԻ, ԳՐԱՎԻ, ՄՊԱՌՈՂԱԿԱՆ ԵՎ ԱՅԼ ՎԱՐԿԵՐԻ ՏՈԿՈՍԱԴՐՈՒՅՔՆԵՐԸ

Վրաստանի Ազգային բանկի տարածած հաղորդագրության համաձայն՝ 2023 թվականի դեկտեմբերին, նախորդ ամսվա համեմատ, վարկերի տոկոսադրույքները նվազել են՝ մոյնեմբերին վարկերի տոկոսադրույքը կազմել է 13,69 տոկոս, իսկ դեկտեմբերին նվազել է մինչև 12,94 տոկոս:



Հատկանշական է, որ 2023 թվականի դեկտեմբերին նվազումն առավելապես ազդել է լարիով վերցված վարկերի վրա: Դեկտեմբերին ազգային արժույթով տրված վարկերի տոկոսադրույքները, մոյնեմբերի համեմատ, նվազել են 16,11 տոկոսից մինչև 15,32 տոկոս: Այդ թվում, իրավաբանական անձանց տրամադրված վարկերի տոկոսադրույքները 13,14 տոկոսից նվազել են մինչև 12,94 տոկոս, իսկ ֆիզիկական անձանց համար՝ 17,70 տոկոսից մինչև 17,23 տոկոս: Ընդհանուր առմամբ, Վրաստանի Ազգային բանկի որոշմամբ, լարիով վերցրած 184 հազար վարկի տոկոսները նվազեցվում են:

2023 թվականի դեկտեմբերի վիճակագրության համաձայն՝ տրված վարկային միջին տոկոսադրույքը հիփոթեքային վարկերի համար կազմում է 11,27 տոկոս (մոյնեմբեր՝ 11,47 տոկոս), ավտովարկի համար՝ 23,43 տոկոս (մոյնեմբեր՝ 25,97 տոկոս), գրավով վարկի համար՝ 15,55 (մոյնեմբեր՝ 16,52 տոկոս), սպառողական վարկերի համար՝ 17,89 տոկոս (մոյնեմբեր՝ 18,33 տոկոս) եւ այլն:

Հարկ է նշել, որ, ի տարբերություն լարիով տրամադրված վարկերի, արտարժույթով տրամադրված վարկերի տոկոսադրույքները եւս աճել են: Վիճակագրության համաձայն՝ 2023 թվականի դեկտեմբերին արտարժույթով վարկերի միջին տոկոսադրույքները կազմել են 9,01 տոկոս, նույն տարվա մոյնեմբերին՝ 8,58 տոկոս:

Ազգային բանկը կրկին նվազեցրեց վերաֆինանսավորման տոկոսադրույքը. 0,5 տոկոսային կետով իջեցումից հետո՝ տոկոսադրույքը 9 տոկոս է: Հարցը քննարկվել է հունվարի 31-ին, դրամավարկային քաղաքականության ժողովում: Ազգային բանկը որոշումը պայմանավորել է ցածր գնաճով:

«Պատերազմի եւ համաճարակի հետեւանքով առաջացած արտաքին ցնցումների աստիճանական թուլացումը զգալիորեն նվազեցրեց գնաճային ճնշումը: Սպասվածից ցածր գնաճի ֆոնին, որը նվազեցվեց նաեւ էլեկտրաէներգիայի սակագների իջեցմամբ, Վրաստանի Ազգային բանկը նվազեցրեց գնաճի կանխատեսումը. ընթացիկ տարվա համար, նախորդ տարվա համեմատ, ինչը նաեւ որոշակիորեն նվազեցնում է միջնաժամկետ հատվածում գնաճի ռիսկերը»,- նշել են Ազգային բանկից:

Նվազեցված տոկոսները ավտոմատ կերպով արտացոլվում են վճարման ենթակա գումարի մեջ: Բանկում պայմանագրի երկարաժամկետ պարտադիր չէ:

ՏՈԿՈՍԱԴՐՈՒՅՔԻ ՆՎԱԶԵՑՈՒՄԸ՝ ԲԻԶՆԵՍՈՒՄ ՆԵՐԴՐՈՒՄԱՅԻՆ ՆՈՐ ՄԻՋՈՑՆԵՐ ՆԵՐԳՐԱՎԵԼՈՒ ՆՇԱՆԱԿԱԼԻ ԱԶԴԱԿ

«Ազգային բանկի դրամավարկային քաղաքականության կոմիտեն ճիշտ եւ ողջամիտ որոշում է կայացրել, որի համաձայն՝ դրամավարկային քաղաքականության դրույքաչափը իջեցվել է 0,5 տոկոսով»,- ասված է Վրաստանի բիզնես ասոցիացիայի հայտարարության մեջ:

Գործարար ասոցիացիան նշում է, որ նշված որոշումը լիովին համահունչ է գնաճի վերջերս նվազեցված ցուցանիշին, որն այս փուլում ցածր է նպատակային մակարդակից, այն է՝ երեք տոկոս:

«Ողջունելի է, որ Վրաստանի Ազգային բանկը ուշադիր հետեւում է ինչպես երկրի մակրոտնտեսական ցուցանիշներին, այնպես էլ՝ համաշխարհային տենդենցին, որը ենթադրում է տոկոսադրույքների նվազում 2024 թվականին:

Պետք է նշել, որ տոկոսադրույքների իջեցումն ինքնին կարելի է բիզնեսի համար, քանի որ մի կողմից տնտեսվում են ծախսերը, ինչը վերածվում է բիզնեսի աճի, իսկ մյուս կող-

մ ի ց՝ դրական տրամադրություններ

են ազդակներ են ստեղծվում բիզնեսը լրացուցիչ ներգրավելու համար:

Ըստ այդմ վերոնշյալ որոշումը կխրախուսի գործարար ակտիվությունը, կստեղծի ավելի շատ աշխատատեղեր, կհանգեցնի ավելի շատ վարկավորման եւ, որ ամենակարեւորն է, կնպաստի մեր երկրի տնտեսության հետագա աճին»,- ասված է Վրաստանի գործարար ասոցիացիայի հաղորդագրության մեջ:



ՕՐԵՆԻ ԳԵՐԱՎԱՅՈՒԹՅՈՒՆ

ՀԱՎԱԿՈՒՈՒԴՑԻՈՆ ԲՅՈՒՐՈՆ ԿԱՏՈՒԳԻ ԿԱՌԱՎԱՐՈՒԹՅԱՆ ԱՆԴԱՄՆԵՐԻ ԵՎ ԽՈՐՀՐԴԱՐԱՆԻ ՊԱՏԳԱՄԱՎՈՐՆԵՐԻ ԳՈՒՅՔԱՅԻՆ ՀԱՅՏԱՐԱՐԱԳՐԵՐԸ



Հանրային մեծ հետաքրքրության եւ կոռուպցիայի բարձր ռիսկի պատճառով, Հակակոռուպցիոն բյուրոն նախատեսում է ընթացիկ տարվա ընթացքում ստուգել 300 պաշտոնատար անձանց գույքի հայտարարագրերը: Ստուգման ենթակա պաշտոնական անձանց թվում են վարչապետ Իրակլի Դարիբաշվիլուն, «Վրացական երազանքի» նախագահ Իրակլի Կոբախիձեն, նախարարների կաբինետի անդամների, նրանց տեղակալների եւ խորհրդարանի պատգամավորների, ինչպես նաեւ՝ Թբիլիսիի քաղաքապետ Կախա Կալաձեի գույքի հայտարարագրերը:

Որոշումն ընդունել է անկախ

հանձնաժողովը, որը կազմված է հասարակական կազմակերպությունների եւ բուհերի ներկայացուցիչներից:

Նշենք, որ, Վրաստանի օրենսդրության համաձայն, բարձրաստիճան պաշտոնյաները պարտավոր են լրացնել հայտարարագրեր, որտեղ պետք է նշեն իրենց ունեցվածքի եւ ֆինանսական վիճակի մասին: Փաս-

տաթղթերը ստուգելու իրավունք ունի Հակակոռուպցիոն բյուրոն:

2022 թվականի մոյնեմբերի 30-ին խորհրդարանն ընդունեց «Հանրային հիմնարկներում շահերի բախման եւ կոռուպցիայի մասին» օրենքում փոփոխություններ: Փոփոխությունների համաձայն՝ ստեղծվել է հանրային իրավունքի իրավաբանական անձ՝ Հակակոռուպցիոն բյուրո: Կառավարության պաշտոնյաները նշել

են, որ, այդ գործակալության ստեղծմամբ, Վրաստանը կատարել է եվրոպական հանձնարարականների պահանջներից մեկը:

Վենետիկի հանձնաժողովը եզրակացություն է պատրաստել Հակակոռուպցիոն բյուրոյի վերաբերյալ: Եզրակացության մեջ նշվում է, որ բյուրոյի ղեկավարի նշանակումն ու ազատումը մեծապես վարչապետի իրավասությունն է, ինչը խնդրահարույց է:

«Թրանսփարենսի Ինթերնեշնլ-Վրաստան» (TI) հասարակական կազմակերպությունը նշել է, որ բյուրոյի ղեկավարի նշանակման մեթոդը խնդրահարույց է: Կազմակերպությունը կարծում է, որ, վարչապետի կողմից բյուրոյի ղեկավարի նշանակումը, չի կարող ապահովել այս ինստիտուտի իրական անկախությունը, ինչը նրա արդյունավետ աշխատանքի անհրաժեշտ նախապայմանն է:

ԱՐԵՎԻԿԱ ՄԱՆՈՐԿՅԱՆ

ԻՐԱՎԻՃԱԿ

ՎԱՌԵԼԱՆՅՈՒԹԻ ԳԻՆԸ ԻՋԵԼ Է... ԲԱՅՑ ՆՎԱԶԵԼ Է ՈՐԱԿԸ ԲԵՆՉԻՆԱՆՍԱԿԱՅԱՆՆԵՐՈՒՄ ՀԱՅՏՆԱԲԵՐՎԵԼ ԵՆ ՎԱՌԵԼԱՆՅՈՒԹԻ ՈՐԱԿԻ ԽԱՆՏՈՒՄՆԵՐ

Վրաստանի նավթամթերքներ ներմուծողների միության հայտարարությամբ՝ երկրում վառելանյութի գինը վերջին 1 շաբաթում նվազել է 4-ից 10 քեթրիով:

Հայտարարության մեջ նշվում է, որ, միջազգային գների նվազման միտումով պայմանավորված, Վրաստանի մանրածախ ցանցում վառելանյութի գների նվազումը շարունակվում է: Ըստ հաղորդագրության՝ այս օրերին դիզվառելիքի (L-62) գինը նվազել է 5 քեթրիով:

«Վառելանյութի նշված կատեգորիայի գինը, ընդհանուր առմամբ, վերջին 2 ամսում նվազել է 20 քեթրիով: Այստեղ պետք է ասել, որ այն վերադարձել է նախորդ տարվա դեկտեմբեր ամսվա գնին:

Հարկ է նշել, որ L-62 դիզվառելիքի հիմնական սպառողներն են գյուղատնտեսական, ենթակառուցվածքների շինարարական տեխնիկան, տարբեր տրանսպորտային միջոցները եւ ընդհանրապես թեթեւ մեքենաները: Ըստ այդմ՝ գների նվազումը զգալի օգուտ է այս ոլորտում զբաղված մարդկանց համար»,- նշված է հաղորդագրության մեջ:

Իր կողմից, Վրաստանի Բնապահպանական վերահսկողության վարչությունը մանրածախ ցանցում վառելանյութի որակի վատացման վերաբերյալ, հայտարարություն է տարածել:

Ինչպես նշված է հայտարարության մեջ, բնապահպանության եւ գյուղատնտեսության նախարարության բնապահպանական վերահսկողության վարչության աշխատակիցները ստուգել են շարժիչային վառելանյութի որակը՝ օդում վնասակար նյութերի արտանետումը նվազեցնելու եւ կանխելու նպատակով:

Բնապահպանական վերահսկողության վարչության տվյալներով՝ երկրի 100 ավտոլցակայաններից մոտ 80



միավոր դիզվառելիք եւ 20 միավոր բենզին:

Լաբորատոր հետազոտությունների արդյունքում՝ խախտումներ են հայտնաբերվել 28 մոնիշներում: Դիզվառելիքի 25 եւ բենզինի երեք մոնիշներում վառելիքի որակը չի համապատասխանել օրենքով սահմանված չափանիշներին: 12 մոնիշում խախտվել է ծծմբի պարունակությունը, տասը մոնիշում նկատվել է փակ կարասում պայթյունի ջերմաստիճանի սահմանված նորմին անհամապատասխանություն: Որոշ դեպքերում միաժամանակ խախտվել է մի քանի պարամետր:

Բնապահպանական վերահսկողության վարչության հաղորդագրության համաձայն՝ գերատեսչության աշխատակիցները իրավախախտների նկատմամբ վարչական իրավախախտումների վերաբերյալ համապատասխան արձանագրություններ են կազմել: Տուգանքների չափը, ընդհանուր առմամբ, ավելի քան երկու միլիոն լարի է: Գործի նյութերն ուղարկվել են համապատասխան դատական ատյաններ՝ հետագա քննարկման համար:

«Գերատեսչությունը կանոնավոր կերպով վերահսկում է վառելիքի որակը ավտոլցակայաններում, որպեսզի նվազագույնի հասցնի անվերապահ վառելիքի սպառումը, ինչը, իր հերթին, էապես նվազեցնում է օդում վնասակար նյութերի արտանետումը»,- նշում են գերատեսչությունում: